

**Ábhar:**

Treoir ar stádas clárúcháin daltaí, lena n-áirítear iad siúd atá faoi Atreorú RSO, agus Dé-Chlárúchán in úsáid

**Uimhir Chiorcláin:**

2010/08

**Dáta eisiúna:**

22 Meitheamh 2010

**Spríoclucht:**

- Príomhoidí agus Boird Ghobharnóirí i ngach scoil dheontaschúnta
- Boird Oideachais agus Leabharlainne
- Comhairle na Scoileanna Caitliceacha faoi Chothabháil
- An Chomhairle Curaclaim, Scrúdúcháin agus Measúnaithe.
- Comhairle Thuaisceart Éireann um Oideachas Comhtháite
- Comhairle na Gaelscolaíochta
- Foireann Fheidhmithe an Údaráis um Oideachas agus Scileanna

**Achoimre ar Ábhar:**

Treoir ar stádas clárúcháin daltaí, lena n-áirítear iad siúd atá faoi Atreorú RSO, agus Dé-Chlárúchán in úsáid

**Fiosrúcháin:**

Ba cheart aon fhiosrúchán faoi ábhar an Chiorcláin seo a sheoladh chuig:

Mr Ivor Graham  
Department of Education  
Rathgael House  
43 Balloo Road  
BANGOR  
BT19 7PR

**Governor Awareness:**

Riachtanach

**Stádas Ábhair:**

Eolas do scoileanna

**Cáipeisí Gaolmhara:**

Freastal scoile: Neamhláithreacht á taifeadadh ag scoileanna 2010/07

**Cáipeisí cealaithe:**

Ceann ar bith

**Dáta Éaga:**

Ní bhaineann

**Láithreán gréasáin an RO:**

Tá an ciorclán seo le fáil ag  
<http://www.deni.gov.uk>

Guthán: 028 9127 9613

Facs: 028 9127 9594

**Cóipeanna breise:**

Tel: 028 9127 9401

## **Intreoir**

Is é an cuspóir atá leis an chiorclán seo ná scoileanna a chur ar an eolas faoi chatagóirí úra atá á dtabhairt isteach de Stádas Chlárúcháin do dhaltaí. Tá sé tábhachtach i dtaca le daltaí atá ag freastal ar scoil eile faoi shocruithe an Chreat Teidlíochta (CT) nó le daltaí atá faoi atreorú sealadach chuig aonaid speisialta nó chuig scoileanna speisialta de bharr a gcuid riachtanas speisialta oideachais. Ba cheart do scoileanna an cleachtas le haghaidh Stádas Clárúcháin daltaí a thaifeadh a chur i bhfeidhm, mar a leagtar amach sa chiorclán seo, ó thús na scoilbhliana 2010/11

## **An Creat Teidlíochta**

Faoi shocruithe an CT, is féidir le daltaí iarbhunscolaíochta freastal ar scoil nó ar fhoras eile oideachais, nach é an ceann a bhfuil siad cláraithe leis, le cúrsa a rochtain atá mar chuid dá n-ábhar scoile. Ní mór do scoileanna / forais atá “ag glacadh” scoláirí sna cásanna seo mionsonraí a thaifeadh i dtaca leis na daltaí seo de, maidir leis an am a chaitheann siad taobh istigh den scoil nó den fhoras oideachais ( lena n-áirítear freastal ar cheachtanna agus dul chun cinn oideachasúil) agus na taifid / an t-eolas seo a chur ar fáil don scoil lena bhfuil an dalta cláraithe.

## **Atreoruithe RSO**

Is féidir daltaí a atreorú chuig scoileanna speisialta, nó chuig aonaid RSO i scoileanna eile ar feadh tréimhse ama le cuidiú a fháil a gcuid riachtanas speisialta oideachais a chomhlíonadh. I rith na tréimhse atreoraithe seo, ní mór don Phríomhscoil agus don Óst-scoil eolas a bhaineann leis an dalta, lena airítear sonraí freastail, a thaifeadh. Is é atá sa phríomhscoil ná an scoil lena bhfuil an dalta cláraithe go hoifigiúil agus is é atá san Óst-scoil ná an scoil a bhfuil siad lonnaithe inti go sealadach. Ní mór don Phríomhscoil agus don Óst-scoil cineálacha úra clárúcháin a úsáid i gcás daltaí atá faoi atreorú RSO. Tá sé seo riachtanach le gur féidir comhaireamh beacht a dhéanamh ar an líon daltaí atá faoi atreorú sealadach in aon am amháin agus le nach ndéanfar daltaí a athchomhaireamh agus móraireamh ar siúl.

## **Catagóirí Stádais Chlárúcháin**

Má tá dalta ag freastal ar aon scoil amháin agus gan é faoi atreorú, ba cheart an Stádas Clárúcháin a thaifeadh mar **chlárúchán singil** agus fanann na riachtanais reatha agus an bailíochtú reatha mar atá siad faoi láthair. Bainfidh sé seo le tromlach mór na ndaltaí.

Tagann **Dé-chlárúchán** i bhfeidhm nuair a fhreastlaíonn dalta atá cláraithe i scoil amháin ar scoil eile de bharr atreorú RSO. Nuair atá an cás amhlaidh, ba cheart a stádas clárúcháin a thaifeadh sa Phríomhscoil agus san Óst-scoil mar seo a leanas

- **Príomh - Dhé – Chlárúchán** leis an dalta a shainaithint ina **Phríomhscoil** (i.e. an scoil ina bhfuil siad cláraithe ar bhonn seasta);
- **Fo- Dhé- chlárúchán** leis an dalta shainaithint ina **Óst-scoil** ( e.g. Scoil Speisialta a bhfuil siad ag freastal uirthi go sealadach faoi shocruithe atreoraithe).

Nuair a bhíonn daltaí ag freastal ar scoil eile faoi shocruithe a bhaineann leis an Teidlíocht Oideachais, déanfar iad a thaifeadh mar **Aoi** san Óstscoil agus fanfaidh siad mar **Clárúchán Singil** sa Phríomhscoil. Ní bhailítear sonraí le haghaidh Aoi – dhaltaí sa Mhóraireamh.

## Taifeadadh freastail

Déantar daltaí atá Dé- chláraithe a rangú mar *ar rolla sa dá scoil*. Ní mór don Óst-scoil freastal RN agus IN a thaifeadadh ar a son do na seisiúin a bhfuil siad sceidealaithe dóibh san Óst-scoil. Ní mór don Óst-scoil an Phríomhscoil a chur ar an eolas faoi aon neamhláithreacht sa dóigh is go ndéantar iad a thaifeadadh sa Phríomhscoil

Ba cheart an freastal a dhéanann daltaí Dé- chlaraithe a thaifeadadh sa Phríomhscoil agus san Óst-scoil mar seo a leanas:

### 1. An taifeadadh freastail atá le déanamh ag an Phríomhscoil do dhaltáí Dé-Chlaraithe

- a. Ní mór don Phríomhscoil freastal a thaifeadadh do na seisiúin inar cheart do Dhalta Dé-Chláraithe freastal a dhéanamh ar an Phríomhscoil trí an chód cuí freastail a úsáid mar a leagtar amach iad i gCiorclán RO 2010/07 Freastal Daltaí: Neamhláithreacht á taifeadadh ag scoileanna
- b. Ina theannta seo, ba cheart don phríomhscoil a chinntiú go bhfuil socrúithe ann i gcás an Óst-scoil a chur in iúl dóibh faoi aon dalta bheith as láthair do sheisiúin ar ar cheart don dalta bheith ag freastal san Óst-scoil. Ba cheart don Phríomhscoil cóid fhreastail a leasú de réir mar is gá le heolas atá faighte ón Óst-scoil a chur san áireamh.

### 2. An taifeadadh freastail atá le déanamh ag an Fho(Óst)scoil do dhaltáí atá Dé-Chláraithe

- a. Ní mór don Óst-scoil freastal a thaifeadadh do dhalta Fo-Dhé-Chláraithe le haghaidh na seisiún ar ar ceart don dalta freastal san Óst-scoil trí úsáid a bhaint as na cóid chuí freastail, mar a leagtar amach iad i gCiorclán RO 2010/ 07. Freastal Daltaí; neamhláithreacht á taifeadadh ag scoileanna
- b. Ba cheart don Óst-scoil a chinntiú go bhfuil socrúithe acu leis an Phríomhscoil a chur ar an eolas faoi aon daltaí aonair bheith as láthair i rith na tréimhse a chaitheann siad ag an Óst-scoil.
- c. Is féidir go dtarlódh sé go ndéanfaí dalta a atreorú chuig scoil eile ar feadh roinnt laethanta sa tseachtain, seachas ar feadh seachtainí iomlána nó ar feadh téarmaí iomlána. Sampla de seo ná páiste a bheith atreoraithe chuig aonad teanga san Óst-scoil ar feadh trí lá sa tseachtain agus a fhreastlaíonn ar a scoil féin an dá lá eile. Do na hocáidí sin ar a bhfreastlaíonn an dalta ar a Phríomhscoil ba cheart na seisiúin RN agus IN a thaifeadadh i gcóras na hÓst-scoile ag baint úsáid as an chód '!' 'Ní gá bheith i láthair'

Tá cáipeisíocht ar nósanna imeachta do scoileanna dar teideal Taifeadadh Sonraí Freastail d'Atreoruithe RSO ag baint úsáid as Dé – Clarúchán le fáil ó C2k

## I GRAHAM

An Brainse Staitisticí agus Taighde